

დღესნუმი

გაზეთი გამოდის
1988 წლიდან

საქართველოს კომპარტიის ცენტრის რაიონული კომიტეტისა და
ცენტრის სახალხო დეპუტატთა რაიონული საბჭოს ორგანო

№134 (6360) 6 ნოემბერი 1990 წელი სამშაბათი ზაზი 3 კაპიტი

შეჯამებული არჩევნების შედეგები

2 ნოემბერს თბილისში, საქართველოს უზენაესი საბჭოს დეპუტატთა არჩევნებთან დაკავშირებით შექმნილ საერთაშორისო პრესცენტრში გაიმართა დასკვნითი პრესკონფერენცია. უზენაესი საბჭოს დეპუტატთა არჩევნების შედეგები დასაჯამებლად იმართა პრესკონფერენცია. უზენაესი საბჭოს დეპუტატთა არჩევნების შედეგები დასაჯამებლად იმართა პრესკონფერენცია.

შედეგები ასეთია: 3.444.002 საერთო რაოდენობის ამომრჩეველთაგან კენჭისყრაში მონაწილეობა მიიღო 2.406.742 კაცმა. დარჩენილი ამომრჩევნი საარჩევნო ბიულეტენი, რომელთაგან ძალა-მოსილი აღმოჩნდა 2.311.921.

არჩევნებში პროპორციული სისტემის მიხედვით მონაწილე თერთმეტი პოლიტიკური პარტიდან და ბლოკიდან ყველაზე მეტი ხმები დააგროვა „მრგვალი მაგიდა“-თავისუფალი საქართველოს“ ბლოკმა. ამ ბლოკში შემავალ პარტიებსა და ორგანიზაციებს ხმა მისცა ამომრჩეველთა 53,9% პროცენტმა, რამაც მათ მოუპოვა 81 ადგილი პარ-

ლამენტში, ხოლო საქართველოს კომპარტიას—25,57 პროცენტმა. ეს 41 დეპუტატის მანდატია. ვერც ერთმა სხვა პარტიამ თუ ბლოკმა ვერ დააგროვა ხმების ოთხი პროცენტი — მინიმუმი, რომელიც მათ უფლებას მისცემდა წარგზავნათ პარლამენტში თავიანთი წარმომადგენლები პარტიული სიებიდან.

რაც შეეხება კანდიდატებს, რომლებიც პერსონალურად იყრიდნენ კენჭს, დეპუტატები არჩეულია 125-დან ჯერჯერობით მხოლოდ 57 საარჩევნო ოლქში. აქაც ასევე მნიშვნელოვანი აღმოჩნდა „მრგვალი მაგიდას“ წარმომადგენელთა უპირატესობა, რომლებმაც 38 დეპუტატის მანდატი მოიპოვეს. კომპარტიის წევრებმა 17 მანდატი მიიღეს. დამოუკიდებელ კანდიდატთაგან დეპუტატებზე გახდნენ ოთხნი, თითო მანდატი მიიღეს საქართველოს სახალხო ფრონტის, „დემოკრატიული საქართველოს“ და „განთავისუფლებისა და ეკონომიკური აღორძინების“ ბლოკებსა წარმომადგენლებმა.

ამრიგად, განვლილი არჩევნების შედეგების მიხედვით საქარ-

თველოს ახალ უზენაეს საბჭოში „მრგვალი მაგიდა“ თავისუფალი საქართველოს“ ბლოკს საერთო ანგარიშით უკვე აქვს 111 ადგილი, ხოლო კომპარტიას — 61. მთლიანად კი არჩეულია 182 დეპუტატი პარლამენტის მომავალ 250 წევრთაგან.

პრესკონფერენციაზე შეკრებილთ აცნობეს, რომ კვირას, 11 ნოემბერს, გაიმართება ხელახალი კენჭის ყრა იმ 59 საარჩევნო ოლქში, სადაც წარმომადგენელი იყო ორზე მეტი კანდიდატი, მაგრამ ვერც ერთმა ვერ დააგროვა საჭირო ხმების ნახევარზე მეტი. ამავე დღეს არის დანიშნული არჩევნების მეორე ტური შვიდ საარჩევნო ოლქში, სადაც არ აღრიცხულა ამომრჩეველთა საჭირო რაოდენობა—მათი საერთო რიცხვის 50 პროცენტი. კიდევ ორ საარჩევნო ოლქში, სადაც არჩევნები საერთოდ არ გამართულა, ორი თვის შემდეგ მოეწყობა ახალი არჩევნები.

ი. უორდანიამ უპასუხა ჟურნალისტთა კითხვებს.

საინფორმაციო სააგენტო „საქართველო“.

ზამთარი ზორს როდია

რაიონული სახალხო დეპუტატთა

ეროვნული
ბიბლიოთეკა

II გვ.

ჩვენი დემოკრატიული პორტრეტი

-III გვ.

ერიდეთ ამბროზიას!

IV გვ.

საინფორმაციო სააგენტო კომისიის

კვირას, 11 ნოემბერს, ეწყობა ხელახალი კენჭისყრა საქართველოს უზენაესი საბჭოს დეპუტატთა არჩევნების იმ 60 საარჩევნო ოლქში, რომლებშიც წარმომადგენელი იყო ორზე მეტი კანდიდატი, მაგრამ ვერც ერთმა მათგანმა ვერ დააგროვა კენჭისყრის მონაწილე ამომრჩეველთა ხმების ნახევარზე მეტი. ამავე დღეს დანიშნულია არჩევნების მეორე ტური 9 საარჩევნო ოლქში, რომლებშიც არჩევნები ჩატარებულად არ ჩაითვა-

ლა. ამის შესახებ გადაწყვეტილება, რომელიც მთლიანად შეესაბამება არჩევნების კანონს, მიიღეს 1 ნოემბერს გამართულ ცენტრალური საარჩევნო კომისიის სხდომაზე. სხდომის გახსნისას, კომისიის თავმჯდომარე ირაკლი უორდანიამ განაცხადა, რომ 28 ოქტომბერს გამართული არჩევნების საბოლოო შედეგებს ექვემდებარება გამომთვლელი მანქანა გამოუშვებს, როგორც ჩანს, მხოლოდ სადამო.

სხდომის დღის წესრიგის მეორე პუნქტი იყო ხელახალი კენჭისყრის და არჩევნების მეორე ტურის მოწყობის პროცედურასთან დაკავშირებული საკითხი. აღნიშნა, რომ ხელახალი კენჭისყრის დროს კენჭს იყრის ორი დეპუტატობის

კანდიდატი, რომლებმაც პირველ ტურში მიიღეს ხმების მეტი რაოდენობა, ხოლო არჩეულად ჩაითვლება ის კანდიდატი, რომელიც დააგროვებს მეტ ხმას. რაც შეეხება არჩევნების მეორე ტურის მოწყობას, მასში მონაწილეობის უფლება აქვს პირველ ტურში მონაწილე ყველა კანდიდატს. არჩევნები აქ ჩატარებულია ჩაითვლება, თუ მასში მონაწილეობას მიიღებს ოლქის ამომრჩეველთა მეოთხედზე მეტი, ხოლო არჩეულად ჩაითვლება კანდიდატი, რომელმაც დააგროვა სხუესთან შედარებით მეტი ხმების რაოდენობა, მაგრამ არანაყოფიერ კენჭისყრის მონაწილეთა რაოდენობის მეოთხედისა. თუ დეპუტატი არჩეული არ იქნება ან არჩევნები კვლავ ჩატარებულად არ ჩაითვლება, კანონის თანახმად ცენტრალური საარჩევნო კომისია დანიშნავს ხელახალ არჩევნებს, რომელიც მოეწყობა მეორე ტურის ჩატარებიდან ორი თვის ვადაში.

სხდომაზე განიხილეს ჩატარებული არჩევნებთან დაკავშირებით ცენტრალური საარჩევნო კომისიაში შემოსული განცხადებები და საჩივრები. თითოეული მათგანის გამო მიღებულია შესაბამისი გადაწყვეტილება.

საინფორმაციო სააგენტო
საქართველო.

გასულ წლებში ბევრი საწუხარი და პრობლემა ჰქონდათ სასურსათო კომბინატის მშრომლებს. მისი წარმადობა იმდენად მცირე იყო, რომ ოდნავაც ვერ ამაყოფილებდა მოთხოვნებს. რაიონის მშრომელთა კარმიდამოსა და საზოგადოებრივ მეურნეობებში დაკრეფილი ხილი გადასა-

ბისა და სხვადასხვა ასორტიმენტის სასურსათო პროდუქტები კომბინატს არასდროს გამოუშვია. ცენტრის სასურსათო კომბინატის დამლით წელს პირველად მიიღეს მომხმარებელი ტყემლის, შვინდისა და ქლიავის კომპოტებს. მოცვისა და მაცვლის მურაბებს—სულ გამოშვებული აქვთ კურ-

ბენ. სულ მიმდინარე წელს 1200 ტონა დასამზადებელი, დღეისათვის უკვე დამზადებული აქვთ ხუთასი ტონა, აქვე, ცალკე საამქროში ვაშლის პიურე მზადდება ხილფადის მისაღებად. გათვალისწინებულია 300 ტონა პიურეს დამზადება, საიდანაც ხილფაფები და ჯემები უნდა

ტრედიისა და ქუთაისის ცეკავშირის ბაზებს, ხოლო როგორც გეოტერეს, გამოშვებული პროდუქციის მხოლოდ 5 პროცენტი ეგზავნება ცენტრის რაიონ-ში. (?!)

ასე, რომ პერსპექტივები არის და სასურსათო კომბინატის მომავალს იმედის თვლით უნდა

მოძრავ-მექანიზებული კოლონა (უფროსი ა. მალაქელიძე) აწარმოებს, ძალზე შეფერხებით მიმდინარეობს. მართალია, სამშენებლო მასალები ახლა, ამ ეტაპზე, საერთო დეფიციტია, მაგრამ ეს დაკონსერვებული მშენებლობა ხომ სამი წელია მიმდინარეობს. ხშირია შემთხვევა, როცა თვეობით ცდებიან მშენებლები, მშენებლობის პროცესში ასევე ლიონათის ახალი საამქრო, რომლის ჩაბარება ოქტომბრის თვეში უნდა მომხდარიყო, მაგრამ აქაც იგივეა გაჭიანურების მიზეზი და საექვო, რომ მისი ექსპლუატაციაში გაშვება ამ წელიწადში მოახდინონ.

ასე რომ, ჩვენი მოსახლეობისათვის, ჩვენი დღევანდლობისა და მომავლისათვის ასე აუცილებელი და საჭირო კომბინატის უკეთეს მომავალს წინ არაფერი არ უნდა დაუდგეს.

გ. მანდარია.

სასურსათო კომბინატი: სამომავლო კონტურები

მუშაებლად რაიონს გარეთ გადიოდა, დასავლეთ საქართველოს სხვადასხვა ქალაქებსა და საკონსერვო ქარხნებს ბარდობდა და ეს არც თუ ისე იოლი შრომის ფასად უჯდებოდათ დამზადების გაერთიანების მუშაებს, ხშირად კი ესეც ვერ ხერხდებოდა და ჩვენი მშრომელები ზარალდებოდნენ, შემოსავალი იკარგებოდა, მოწეული მოსავალი გამოუყენებელი რჩებოდა.

ახლა კი მდგომარეობა შეიცვალა, გაიზარდა კომბინატის წარმადობა, ასე დიდი რაოდენო-

ბისა და სხვადასხვა ასორტიმენტის სასურსათო პროდუქტები კომბინატს არასდროს გამოუშვია. ცენტრის სასურსათო კომბინატის დამლით წელს პირველად მიიღეს მომხმარებელი ტყემლის, შვინდისა და ქლიავის კომპოტებს. მოცვისა და მაცვლის მურაბებს—სულ გამოშვებული აქვთ კურ-

კოვანი ხილის 194 ათასი პირობითი ქილა კომპოტი და 10 ათასი პირობითი ქილა მურაბა. ახლა, შემოდგომის ამ დღეებში, როცა სეზონის დამთავრება მდებარეობს, გაცხადებული შრომის სეზონია კომბინატში. ეზოში ვაშლით სავსე ავტომატები დგას, რიგრიგობით იწონება ხილი და მიღებული ბუნებრივი იყრება. აქედან გარეცხილ-გასუფთავებული გადასამუშავებლად მიაქვს კონვეიერს რომ მისგან მადლარა წვენი მიიღონ, რასაც წელს პირველად ამზადე-

მიიღონ.

კომბინატის ძირითადი პროდუქცია მაინც მადლარა წვენის დამზადებაა, რაც 700 ტონა აქვთ დასამზადებელი. უკვე მწყობრშია ნედლი სპირტის სახდელი საამქრო და პირველი ნოემბრიდან აღნიშნულ წვენი-საგან დაიწყებენ სპირტის გამოხდას. სულ 5500 დეკალიტრი მშრალი სპირტი უნდა გაუზავნონ მარნეულის ექსპერიმენტულ ქარხანას „თამარისის“ საკონი-აქე მასალად. კომბინატის მიერ გამოშვებული ხილფაფები და ჯემები კი გაეგზავნება სამ-

შეგებლოთ, მართალია, მშენებლობის საქმეშიც ბევრი რამ გამოსწორდა—ამოქმედდა საკონსერვო საამქრო, დაიდგა კომპოტებისა და მურაბების, ხილის სულფიდირებული პიურეს გადაამუშავებელი ახალი ხაზები, აღდგენილი სამუშაოები ჩაუტარდა ხილის სპირტის გამოსახდელ დანადგარებს, ეს რაც შეეხება დანადგარებს, მაგრამ თვით შენობა, სადაც დანადგარებია მოთავსებული, სამწუხაროა, მაგრამ ფაქტია, რომ ამჟამად მშენებლობა პროცესშია, სამუშაოები, რომელსაც წყალტუბოს №5

რაიონული საბჭოს აღმასკონში

ზამთარი შორს რ ი დ ი ა

საბჭოთა დეპუტატთა ცავერის რაიონული საბჭოს აღმასკონმა განიხილა საკითხი—1990-1991 წლების ზამთრის სეზონისათვის მზადების მდგომარეობისა და მისი გაუმჯობესების ღონისძიებათა შესახებ.

აღმასკონზე აღინიშნა, რომ 1990-1991 წლების თბობის სეზონისათვის მოსამზადებლად მოწოდებულმა წარმოება-დაწესებულებებმა და ორგანიზაციებმა მნიშვნელოვანი ღონისძიებები გაატარეს. დროულად განაწილდა გამოყოფილი ხე-ტყის ფონდები, გაძლიერდა კონტროლი მათი დამზადებისა და დანიშნულებისამებრ გამოყენებაზე. წლეულს რაიონის წარმოება-დაწესებულებებისა და მოსახლეობისათვის გამოყოფილია 4700 კუბური მეტრი შუშა, საიდანაც სახელმწიფო სატყეო მეურნეობას უკვე დამზადებული აქვს სამანქანო გზაზე 1500 კუბური მეტრი, ხოლო საკოლმეურნეო მეურნეობას—900 კუბური მეტრი.

მიუხედავად საწვავის დეფიციტისა, საკმაო რაოდენობით შუშა შეიზიდა სკოლებში, ჯანმრთელობის დაწესებულებებში და სხვა ობიექტებში. შუშა თითქმის შეზიდულია ზუგდიდში, ლესურაში, ქვედა ცაგერის, ორბელის სასოფლო საბჭოების ტერიტორიაზე განლაგებულ ობიექტებში, ქალაქის წარმოება-დაწესებულებებში, ადგილობრივი კომბინატში, სანეკლასადგურში, ცაგერის საშუალო სკოლაში, №1 ბაღში და სხვა.

გარკვეული ღონისძიებები გაწეულია რაიონული საავადმყოფოს ხელმძღვანელების მიერ ჯანმრთელობის დაცვის ობიექტების ზამთრის სეზონისათვის მზადყოფნის საქმეში. ფონდით გათვალისწინებული 255 ტონა ნახშირიდან შემოზიდულია 200 ტონა. გადაიხურა ლაჯანის საუბნო საავადმყოფოს, უსახელის საექიმო უბნის შენობები, მიმდინარეობს ორბელის საექიმო უბნის რეკონსტრუქცია, რაიონულ საავადმყოფოში მოწესრიგებულია საქვავი მეურნეობა და თბოქსელი.

ზამთრის სეზონისათვის რაიკო-ოპერატივის გამგეობის მიერ შე-

მოზიდულია და ჩაწყობილია ზამთრის მარაგში 415 ტონა ფქვილი, 20 ტონა ბურღული 50 ტონა შაქარი, 120 ტონა მარილი, 5 ტონა საპონი და 100 ტონა ნავთი.

შეკეთდა ქალაქის ცენტრალური საქვავი მეურნეობა, რაზეც დახარჯულია 21 ათასი მანეთი, რეკონსტრუქციის სამუშაოები ჩატარდა დ. აღმაშენებლის ქუჩაზე მდებარე 40 ბინიანი სახლის საქვავი მეურნეობას, რისთვისაც შესრულებულია 20 ათასი მანეთის სამუშაო. ცაგერის მრავალბინიანი საბინაო კომუნალური მეურნეობის გაერთიანების მიერ შემოზიდულია 100 ტონა მავთული, 40 ტონა ქვანახშირი, 1,5 ტონა დიუნის საწვავი. გადაიხურა ლენინის ქუჩაზე მდებარე 16 ბინიანი, დავით აღმაშენებლის ქუჩაზე მდებარე 40 ბინიანი, ალპანის №1, №2 საცხოვრებელი სახლები. სულ შესრულებულია 60 ათასი მანეთის სამუშაო.

დაიდგა ახალი ტრანსფორმატორი, რომელიც ელექტროენერგიით მოამარაგებს დავით აღმაშენებლის №43 მდებარე კომუნალური ბინის მცხოვრებლებს. ჰოლიანდ გამოიყვანა სტალინის ქუჩაზე მდებარე ბინების ელექტრო გაყვანილობები.

ამასთანავე აღმასკონზე აღინიშნა, რომ ზამთრის თბობის სეზონისთვის მზადებაში ადგილი აქვს სერიოზულ ნაკლოვანებებს.

იმის გამო, რომ საჭირო სარემონტო სამუშაოები ვერ ჩატარდა რაიონის სოფლების ელექტრო გადამცემ ხაზებს, წყვეტილობაა მოსალოდნელი ზამთრის სეზონში ელექტროენერგიის მიწოდებაში, რაც მოსახლეობის დიდ გულისტკივილს გამოიწვევს.

ნაკლოვანებებია სათბობით სახლბო განათლების ობიექტების მომარაგებაში, რაიონის ზოგადსაგანმანათლებლო სკოლებისა და სკოლამდელი დაწესებულებ-

ებთან გაყოფილი შუშის ფონდიდან მხოლოდ 60 პროცენტამდეა მიზიდული ადგილზე, დღეისთვის საჭირო სათბობის მარაგი არა აქვს ტყეში, ოყურეში საშუალო, ჩქუმის, ლუხვანოს, უსახელის, დეხვირის, ქვედა ცაგერის არასრულ საშუალო სკოლებს, წიფერის ბაღს, ცაგერის №2 ბაგა-ბაღს.

ზამთრის თბობის სეზონისათვის წარმოება-დაწესებულებების საწვავით მომარაგების საკითხზე სუსტად მუშაობენ ლეირი-შის, ტყეში, ალპანის, დეხვირის, ოყურეში, უსახელის სასოფლო საბჭოს აღმასკონები. საგანგაშოა ის ფაქტიც, რომ ღრმად არც ერთი კუბური მეტრი შუშა არ არის შეზიდული რაიონულ საავადმყოფოში. აღნიშნული მდგომარეობა იმიტომ არის გამოწვეული, რომ სახელმწიფო სატყეო და საკოლმეურნეობათმშობის სატყეო მეურნეობების, ავტოსატრანსპორტო საწარმოს ხელმძღვანელები ჯეროვან ყურადღებას არ უთმობენ რაიონის სკოლებში და საწარმო-დაწესებულებებში შუშისა და ქვანახშირის შესაზიდად ტრანსპორტის გამოყენების საკითხებს. ფაქტურად არ დაწყებულია სახლბო განათლების სისტემაში, კომუნალურ საწარმოთა კომბინატის ობიექტებში ქვანახშირის შეზიდვა.

არადამაკმაყოფილებელია ცაგერის გაზის სამმართველოს მუშაობა თხევადი გაზით მოსახლეობის მომარაგებაში. თითქმის რეალურად იქცა ზუგდიდის სოფლებზე გაზის თვეობით მიღწოდება, რაც მოსახლეობის დიდ უკმაყოფილებას იწვევს.

რაიონული საბჭოს აღმასკონმა დააავალა სასოფლო საბჭოების აღმასკონებს, სახელმწიფო და საკოლმეურნეობათმშობის სატყეო მეურნეობების, კომუნალურ საწარმოთა კომბინატის, სახლბო განათლების განყოფილების, რაიკოოპერატივის ხელმძღვანელებს, რაიონისა და რაისაავადმყოფოს მთავარ ექიმს მიიღონ სასწრაფო ზომები ზამთრის სეზონისათვის მზადების საქმეში არსებული ნაკლოვანებების აღმოფხვრისათვის.

რაიონის წარმოება-დაწესებულებათა ხელმძღვანელებს დაევალებათ განახორციელონ საჭირო ღონისძიებანი სათბობის და ელექტროენერგიის უზრუნველყოფისათვის.

გლეხური მეურნეობა: პირველი ნაბიჯები მოგაპოვოს გაზი იქვე

ხევიან-ბარაქიანია წლეუნიდელი შემოდგომა ლეჩხუმში. მერედა რაოდენ საჭიროა ჩვენი ერის, ჩვენი რესპუბლიკის დღევანდელი ეკონომიკისათვის სიუხვე და მშრომელი კაცის გარჯილობა.

ბედნიერია მუშა კაცი, შრომას ამოღო არ ჩაუვლია, თეთრი, ქათქათა სიმინდის ტარებით ივსება ნალია, მამა-პაპისეულ საწნახელში ყურძენი იჭყობება.

აგარულმა რევოლუციამ, იმწასთან ურთიერთობის ხელსაყრელი ფორმების დანერგვამ ქალაქში გაქცეულები კი შემოაბრუნა სოფლისკენ, თორემ სოფლად დარჩენილებს რა დათმობინებს მიწას.

სოფელს ახლა ყველაზე მეტად სჭირდება მიხედვა, ზრუნვა და თანადგომა. სწორედ ზრუნვამ, სოფლის სოციალური პრობლემების მოგვარებამ განაპირობა, რომ რაიონის სხვა სოფლებთან შედარებით ხალხმრავალია ზუბი. კაცის გარეშე არც მშენებელი აქვს და არც სილამაზე სოფელს. ახალი საშუალო სკოლა, კეთილმოწყობილი გზა, პურსაცხობი, სამედიცინო მომსახურებისა და სატელეფონო კავშირის გაუმჯობესებისთვის ზრუნვა ხალხმრავალს ხდის მას.

გიგლა ბენიძე, 50 წელს გაღაცოლებული კაცი ამ სოფელში

გაზრდილ-დაბადებულა, რომელიც სოფლიდან წასვლაზე, მამისეული კერის მიტოვება-გაუქმებლობაზე არასდროს უფიქრია და არც არაფერი წაუგია. სანაქებო ოჯახი აქვს. სამი შვილის—ორი ქალიშვილისა და ერთი ვაჟიშვილის მამაა. შვილებსაც მშობლიურისადმი სიყვარულის მაღალი ამოძრავებით და უკეთესად, დიას, გაცილებით უფრო კარგად ცხოვრობენ, ვიდრე სოფლიდან გაქცეული, ქალაქზე ფანტაზიურად შეყვარებული ბევრი მათი თანასოფელი.

ცხაკურში გასორჩეულად მოვლილი ზვარი შემოდგომის ამ დღეებში ქარვისფერი მტევნებითა დატვირთული და მისი მარჯვენის წყალობამ ერთბაშად გაფანტა მიწის უვარგისობის ის ილუზია, ცხაკურში ერთ დროს დიდი ენთუზიაზმით გაშენებული ზვარის მომვლელებს რომ დაეუფლათ. სულ ცოტა 2,5 ტონა ყურძენს მაინც მოიწევს გიგლა ბენიძე, 0,25 ჰექტარი სასიმიინდე ნაკვეთი აქვს მოსავლელად, ერთი იმდენი, 0,5 ჰექტარი საყარმდამო ნაკვეთი აქვს. ოჯახის დედა, გიგლას მეუღლე, ქალბატონი გუგული საუკეთესო მებაღეა.

გიგლა ბენიძე—მოწინავე მევენახე, მესიმიინდე, კარგი მამა და მეუღლე, სოფელში საჭირო ხელობის კაცია. კბილის ტექნიკოსს, მაღლიანი ხელების პატრონს, ვინ მოთვლის უსიამოვნო განცდით მოსული რამდენი თანასოფელი გაუგზავნია უკან იმედით სავსე და ხალისიანი.

ცხოვრობს სოფელში ბედნიერად, თავისი შრომით ნასიამოვნები კაცი და იმდენი თვალთა გაპყურებას მომავალს.

ალალი იყოს

უნდა გამოყოს, ობიექტურად შეისწავლოს ყოველივე ინდივიდუალურად უნდა მიუდგეს ყოველ იჯახს, ნაკვეთსაც კი, მაქსიმალურად შევეცადოთ გული არ ვატკინოთ ვინმეს.

ახლა შემოდგომაა და მოწეული მოსავალი გლეხის ნალია-მარანს ემატება. ალალი იყოს ნიკო თუთისანი შვილივით ნაფერებ ბარაქიან ზვარში რომ სართვლოდ შევიდა, კიდევ ერთხელ შეფიქრებდა: ნუთუ ეს მართლა მე მეკუთვნილი მთლიანად? აილო ყანა ყურძენი კი სახელმწიფო მარანს საკუთარ ანგარიშზე ჩააბარა.

ხევიანი შემოდგომა დაიყენა მეურნე კაცმა. გაისად, მერმისად მეტს მიიღებს. ამის საფუძველია ის, რომ მიწა მიწის პატრონს დაუბრუნდა.

მ. გუგული.

ს ა მ ა რ თ ვ ე ლ ო შ ი

ინებეთ ქუთაისური ტრიკოტაჟი

ჩავეტილი ტექნოლოგიური ციკლით, რომელსაც ელექტრონული გამოთვლები მანქანა მართავს, შეუდგა მუშაობას ქუთაისის ტრიკოტაჟის ფაბრიკა. მის შეუფერხებელ მუშაობას უზრუნველყოფს ახალი ხაზი, რომელიც დაკომპლექტებულია საქსოვი, საკერავი და გამოსაყვანი მანქანებით.

საწარმომ კურსი აიღო პროდუქციის ხარისხის მკვეთრი გაუმჯობესების გზით. სამეურნეო ანგარიშის პირობებში ეს ერთადერთი შესაძლებლობაა, რათა კონკურენტუნარიანობა შეინარჩუნოს.

ლითონის ჯართი —მარტენს

საწარმოებსა და სხვადასხვა მეურნეობებში მკვდარ კვაპიტალად დევს დიდი რაოდენობის გამოუსადეგარი და დაძველებული მოწყობ-

ილობა, ტრაქტორები, სასოფლო-სამეურნეო მანქანები, გაცივითი ინსტრუმენტები. იგი უნდა ჩამოიწეროს ჯართად, მაგრამ ხელმძღვანელები არ აქცევენ ამას ჯეროვან ყურადღებას, რაც ყოველად დაუშვებელია. დასახულია, რომ 1990-1993 წლებში საექსპლოატაციოდ გადაეცეს ლითონის ჯართის მოსამზადებელი და გადამამუშავებელი საწარმოო სიმძლავრეები სენაკში, ზესტაფონის რაიონში, აგრეთვე რეკონსტრუქცია გაუკეთდეს საამქროს სამტრედიოში.

მოსახლეობა საზოგადოების მთავარი საწარმოო ძალაა, მის გარეშე შეუძლებელია თვითწარმოება, მეცნიერებისა და ტექნიკის განვითარება და ფუნქციონირება, ამავე დროს მოსახლეობა მრეწველობის, სოფლის მეურნეობის პროდუქციის, ტრანსპორტის, სხვადასხვა სახეობის მოსახლეობის მთავარი მომხმარებელია. ამიტომ მოსახლეობის რაოდენობა მნიშვნელოვანი ფაქტორია თითოეული ქვეყნისათვის.

პირველყოფილი თემური, აგრეთვე მონათფლობელური და ფეოდალური წყობილების დროს მოსახლეობა მეტად ნელა იზრდებოდა. ეს იმით აიხსნებოდა, რომ ადამიანი დიდად იყო დამოკიდებული ბუნებაზე, დაბალი იყო წარმოების დონე, წმირი იყო ომები, ეპიდემიები, შიმშილი. მხოლოდ მე-19 საუკუნეში დაიწყო დედამიწის მოსახლეობის სწრაფი ზრდა. იგი განსაკუთრებით სწრაფად იზრდება მე-20 საუკუნეში. თუ მიმდინარე საუკუნის დამდეგს დედამიწის მოსახლეობა იზრდებოდა წელიწადში 10 მილიონი კაცით, საუკუნის შუა ხანებში—36-40 მილიონით, ამ უმაღლეს ყოველწლიურად იზრდება დაახლოებით 90-95 მილიონით. 1975 წელს დედამიწის მოსახლეობამ მიაღწია 4 მილიარდ კაცს, 1979 წელს 4,5 მილიარდს გადააჭარბა, ხოლო 2000 წლისათვის იგი 6 მილიარდს გადააჭარბებს. მოსახლეობის რაოდენობის ასეთ მკვეთრ ზრდას ხშირად დემოგრაფიულ „აფეთქებას“ უწოდებენ. მოსახლეობის აჩქარებული ზრდა, ბოლო ათწლეულში სოციალურ-ეკონომიკური განვითარების ერთ-ერთ უმნიშვნელოვანეს მსოფლიო პრობლემად იქცა, რომელთანაც პირდაპირ ან არაპირდაპირ დაკავშირებულია დედამიწის მზარდი მოსახლეობის უზრუნველყოფა სურსათითა და სამუშაოთი, აგრეთვე ბუნებრივი გარემოს დაცვა და გონივრული გამოყენება.

თავისი მრავალსაუკუნოვანი ისტორიის მანძილზე ქართველ ხალხს, მათ შორის ლეჩხუმლებს, რთულ პირობებში უხდებოდა ცხოვრება, რაც, პირველ რიგში, უარყოფითად მოქმედებდა მოსახლეობის რაოდენობაზე. განსაკუთრებით მძიმე იყო ამ მხრივ ერთიანი, მძლავრი ფეოდალური ქართული სახელმწიფოს

დაშლის შემდგომი პერიოდი, რაც მე-18 საუკუნიდან დაიწყო და ხუთ საუკუნეზე მეტ ხანს გრძელდებოდა. გარეშე მტრების გამუდმებული შემოტევებისა და შინაფეოდალური აშლილობის გამო აღნიშნულ პერიოდში მცხოვრებთა რაოდენობა კატასტროფულად შემცირდა. მე-19 საუკუნის დასაწყისში საქართველოს მოსახლეობა დაახლოებით 785 ათას კაცს შეადგენდა (რესპუბლიკის დღევანდელ საზღვრებში).

ჩვენი დემოგრაფიული

პრობლემა ადამიანის ცხოვრების კვალი ნეოლითიდანაა დამოწმებული. არქეოლოგიური მონაცემებით ძალზე კარგადაა წარმოდგენილი გვიანი ბრინჯაოს ხანა. ლეჩხუმი მჭიდროდ დასახლებული ჩანს ანტიკურ წყაროებში. იგი მოხსენებული აქვს პროკოფი კესარიელს (მე-6ს) სკიზმონას სახელწოდებით. მოსახლეობის აღწერის და რაოდენობის შესახებ მე-18 საუკუნეში, წყაროებში, ჩვენი აზრით, არაფერია ნათქვამი.

მონღოლთა მიერ ჩატარებული აღწერის ცნობების საფუძველზე, არაპირდაპირი გზით გამოანგარიშების მიხედვით მე-18 საუკუნის ლეჩხუმი დამახლოებით ყოფილა 4050 კომლი. თუ ჩავთვლით, რომ საშუალოდ კომლში 5 სული ცხოვრობდა (იმ პერიოდისათვის ასე იყო მიჩნეული), მაშინ იმ დროს ლეჩხუმი 20-25 ათასი კაცი ყოფილა.

როგორც ზემოთ ითქვა, მე-18 საუკუნიდან მნიშვნელოვნად მცირდება მოსახლეობის რიცხვი მთელ საქართველოში. ამ მხრივ გამოანგარიშის წარმოდგენს ლეჩხუმი, სადაც პროფესორ კაკაბაძის გაანგარიშებით მე-18 საუკუნის

შუა წლებშიც კომლთა რაოდენობა დაახლოებით იმდენივეა, რამდენიც მე-18 საუკუნეში იყო. ხელშეახები ცნობები მოიპოვება მე-18 საუკუნის მე-2 ნახევრის ლეჩხუმის მოსახლეობის შესახებ. რუსეთის მთავრობის წარმომადგენლის იანოვსკის ცნობით სამეგრელოს სამთავროში 1770 წელს 100 ათასი სული ცხოვრობდა. მათგან სალაშქროდ გამოდიოდა 6 ათასი მეომარი. ამათგან 2 ათასი ლეჩხუმიდან ყოფილა (ლეჩხუმი იმ დროს

სამეგრელოს სამთავროში შედიოდა). ე. ი. სამეგრელოს ლაშქრის ერთი მესამედი დაახლოებით 20-25 ათასი მცხოვრებიდან. ამასვე ადასტურებს მოგზაური გულდენშტედტი. ის აღნიშნავს, რომ მე-18 საუკუნის მეორე ნახევარში ლეჩხუმი დაახლოებით ყოფილა 4000 კომლი.

მე-19 საუკუნეში გარეშე მტრების შემოსევის შეწყვეტამ და ეკონომიური მდგომარეობის გაკეთვლად გაუმჯობესებამ, როგორც საერთოდ, ჩვენთანაც ხელი შეუწყო მოსახლეობის ბუნებრივ მატებას. ხელთა გვაქვს 1897 წლის მოსახლეობის აღწერის მასალები. ამ დროს ლეჩხუმის მაზრაში შედიოდა სვანეთი. სულ მაზრაში ცხოვრობდა 47779 მცხოვრები. აქედან ლეჩხუმელი—31806, სვანი—15359, ებრაელი—441, რუსი—28, სომეხი—91, თათარი—7, ოსი—9, ქურთი—6, დანარჩენი—10.

ზემოთ მოტანილი მონაცემებით კარგად ჩანს ლეჩხუმის მოსახლეობის სტაბილურობა მე-18 საუკუნიდან ვიდრე მე-19 საუკუნის დამდეგამდე, რასაც ხელი შეუწყო ამ კუთხის გეოგრაფიულმა მდებარეობამ. ლეჩხუმი ძნელად მისასვლელი მხარე იყო და ამდენად ადგილობრივი

მოსახლეობა ნაკლებად განიცდიდა მტრისაგან რბევას, ამასთან უნდა ვივარაუდოთ ისიც, რომ ძნელბედობის დროს ბარის მოსახლეობა თავს აფარებდა ლეჩხუმს და ფუნდებოდა აქ. ამის გამო ლეჩხუმის მოსახლეობის რიცხვი არ იკლებდა.

მე-19 საუკუნის მანძილზე და მე-20 საუკუნის დასაწყისში საქართველოს მოსახლეობა მატულობდა, როგორც ბუნებრივი გამრავლების, ისე მცხოვრებთა გარედან შემოსვლის შედეგად.

1900 წლის მოსახლეობის აღწერის შედეგებით ლეჩხუმის მაზრაში, რომელშიც ზემო და ქვემო სვანეთი შედიოდა, სულ ცხოვრობდა 51643 მცხოვრები. მაზრა დაყოფილი იყო საბოქაულოებად 1. ალაპანის საბოქაულო (ცენტრი აჭარა), რომელშიც იმ დრო ცხოვრობდა 20431 კაცი. ალაპანის საბოქაულო მოიცავდა სოფლის საზოგადოებებს: ალაპანის—2829 კაცით, დერჩის—4986 კაცით, დეხვირის—2932 კაცით, ნაკურალეს—3643 კაცით, ჭევიშის—2935 კაცით.

2. ცაგერის საბოქაულო (ცენტრი ცაგერი) 19521 მცხოვრებით, მასში შედიოდა სოფლის საზოგადოებები: ცაგერი—4244 მცხოვრებით, ზუბი—3220 მცხოვრებით, ოყურეში—2931 მცხოვრებით, ლაშხეთი—2613 მცხოვრებით, ლენტეხი—2243 მცხოვრებით, ლენტეხი—2243 მცხოვრებით, ორბელი—3224 მცხოვრებით, ჩოლური—1046 მცხოვრებით.

მასალებიდან ირკვევა, რომ 1900 წელს ლეჩხუმის მაზრაში 51643 მცხოვრებიდან საკუთრივ ლეჩხუმის ტერიტორიაზე, ე. ი. დიდ ლეჩხუმი, ჭევიშს და დერჩის საზოგადოების ჩათვლით, ცხოვრობდა 34050 მცხოვრები,

ზემო და ქვემო სვანეთში 17508 მცხოვრები. დღევანდელი ლეჩხუმის საზღვრებში კი იმ დროისათვის ცხოვრობდა 28183 მცხოვრები.

სხვაობას შობადობისა და სიკვდილიანობის კოეფიციენტებს შორის, შობადობის სასარგებლოდ, ბუნებრივი მატება ეწოდება, მით უფრო მაღალია ბუნებრივი მატების კოეფიციენტი, რაც უფრო დიდია პირველი მეორეზე. ცხოვრების მატერიალური პირობები, მოსახლეობის ჯანმრთელობის დაცვის გაუმჯობესების შედეგად ჩვენი საუკუნის მანძილზე მკვეთრად შემცირდა სიკვდილიანობის კოეფიციენტი მსოფლიოს მთელ მოსახლეობაში, და ჩვენთანაც. ამასთან ინდუსტრიალიზაციამ, საქალაქო ცხოვრებამ და ქალის საზოგადოებრივ საქმიანობაში ჩაბმამ გამოიწვია შობადობის კოეფიციენტის შემცირებაც. მაგრამ ბევრად უფრო სწრაფად მცირდებოდა სიკვდილიანობა, ამიტომ საერთოდ გაიზარდა მათ შორის სხვაობა, ანუ მოსახლეობის ბუნებრივი ნამატი. 1960-იან წლებამდე ჩვენს ქვეყანაში და კერძოდ საქართველოშიც ბუნებრივი მატების პროცესი საკმაოდ მაღალ დონეზე იყო. 1921 წელს საქართველოს მოსახლეობა იყო 2,4 მილიონი ე. ი. 120 წლის მანძილზე მცხოვრებთა რიცხვი სამჯერ გაიზარდა. 1979 წლის იანვრის აღწერით პირველად თავისი არსებობის პერიოდში საქართველოს მოსახლეობამ 5 მილიონს გადააჭარბა.

1989 წლის აღწერით 5 მილიონ 434 ათასია, რაც სსრ კავშირის მოსახლეობის 2 პროცენტს შეადგენს. ე. ი. საქართველოს მოსახლეობამ გარკვეულად მოიმატა. ამას ვერ ვიტყვით საქართველოს მაღალმთიან რაიონებზე და მათ შორის ლეჩხუმიზე. ამ პატარა რაიონიდან 7000-ზე მეტი ახლადდაპირფინებული თუ დაქაორწინებული ვაჟკაცის დიდ სამამულო ომში გაწვევამ, რომელთაგან ნახევარზე მეტი ვერ დაუბრუნდა მშობლიურ კერას, ბუნებრივ ნამატზე დამლუპველი გავლენა მოახდინა.

დ. კოპალიანი, განათლების განყოფილების გამგე. (დასასრული იქნება).

ექიმი

გვირჩევეს

თავიდან

თამარ ტენიში სისხლის მიმოქცევის მწვავე მოშლა წარმოადგენს დღეს-დღეობით უხშირეს და უმძიმეს დაავადებას ნერვიულ დაავადებათა შორის.

დროული და რაციონალური დიაგნოსტიკა არა მარტო აუცილებელია ავადმყოფის სიცოცხლის შესანარჩუნებლად, არამედ მნიშვნელოვნად ამცირებს მძიმე ნარჩენ მოვლენებს და უნარჩუნებს ავადმყოფებს შრომისუნარს. განსაკუთრებული მნიშვნელობა აქვს დროული დახმარების აღმოჩენას თავის ტენიში სისხლის მიმოქცევის გარდამავალი მოშლის დროს.

თავის ტენიში სისხლის მიმოქცევის გარდამავალი მოშლის დიაგნოზი ისმება იმ შემთხვევაში, როდესაც ავადმყოფს ძირითადი

ასიმეტრია

თადი სისხლძარღვოვანი დაავადების (ათეროსკლეროზი, არტერიული ჰიპერტონია, ვასკოლოტი) ფონზე სწრაფად უვითარდება კეროვანი ან ზოგადტენიოვანი სიმპტომები, რომელიც გრძელდება მოკლე დროით, არაუმეტეს 24 საათისა.

გარდამავალი სისხლის მიმოქცევის მოშლის დროს ავადმყოფები უჩივიან მეტყველების გაძნელებას, სისუსტეს ერთ ან ორ კიდურში, თავბრუსხვევას, თავის ტკივილს, წონასწორობის დაკარგვას.

აღნიშნული მოვლენების განვითარებისთანავე ავადმყოფი უნდა დაწვეს და გამოიძი-

ხოს ექიმი.

თავის ტენიში სისხლის მიმოქცევის მწვავე მოშლა ანუ ინსულტი არის ორი სახის—კემორ-

შემიქლება

ავიული და იშემიური. კემორავიული ინსულტი უფრო ხშირად ვითარდება მაღალი არტერიული წნევის დროს. დაავადება ვითარდება უეცრად აქტიური საქმიანობის დროს და განიცდის სწრაფ პროგრესირებას.

იშემიური ინსულტი ანუ ტენიის ინფარქტი იწყება თანდათანობით, უმეტესად ძილში, გულსისხლძარღვთა სისტემის მოქმედების შესუსტების დროს, უვითარდება უმეტესად იმ ავადმყოფებს, რომლებიც დაავადებულნი არიან ათეროსკლეროზით, გულის მანკით, მოციმციმე არითმიით. იშემიური ინსულტის

დროს ცნობიერება შენახულია, ზოგადტენიოვანი სიმპტომები ნაკლებად არის გამოხატული, უპირატესად სკარბოზს ნერვიული სისტემის კეროვანი დაზიანების ნიშნები.

თავის ტენიში სისხლის მიმოქცევის მოშლის თავიდან აცილება შეიძლება, თუ დროულად, პირველი ჩივილების გამოვლენისთანავე მივმართავთ ექიმს და ჩავატარებთ დროულ მეურნეობას.

თუ ხშირად, კვირაში 2-ჯერ გაწუხებთ თავის ტკივილი, თავბრუსხვევა, შუილი თავში, მესხიერების მნიშვნელოვანი მოშლა, შრომის უნარის დაქვეითება, დროულად უნდა მიმართოთ ექიმს.

მ. სილაგაძე

ცაგერის რაიონული საავადმყოფოს ექიმი-ნევროპათოლოგი.

11 ნოემბერი

დასვენების

დღეა

საპარტიზლოს სსრ მინისტრთა საბჭოს დადგენილებით, „საქართველოს უზენაესი საბჭოს არჩევნების შესახებ“ კანონის შესაბამისად და 1990 წლის 11 ნოემბერს უზენაესი საბჭოს არჩევნების მეორე ტურის ჩატარებასთან დაკავშირებით, ეს დღე საქართველოს სსრ ტერიტორიაზე დატოვებულია არასამუშაო დღედ.

საინფორმაციო სააგენტო საპარტიზლო.

პროდუქტი ამბროზიას

ყველგან იმრავლა სარგებელი მცენარეებმა, მათ შორის აღსანიშნავია ამბროზია. მას ვხვდებით ყველგან: საცხოვრებელი ბინების ირგვლივ, ბაღებში, გზისპირებზე, ამბროზიას აქვს დატოვებული ღერო და მორიგებით ან მოპირისპირედ განლაგებული ფოთლები. ასარგებლიანებს თითქმის ყველა სასოფლო-სამეურნეო კულტურებს, ამბროზის და ფიტავს ნიადაგს.

ამბროზია ჯანმრთელობისათვის განსაკუთრებით საშიშია ყვავილობის პერიოდში, რომელიც დაიწყება ჩვენთან სექტემბრიდან და გრძელდება ოქტომბრის ბოლომდე. ერთ-ერთი დაავადება, რომელსაც იწვევს ამბროზიის მტვერი, არის პოლინოზი. მას უწოდებენ კიდევ: „თივის ცხელება“, „თივის სურდოსი“, „გაზაფხულის კატარსი“, „მტვრისმიერ ბრონქულ ასთმას“.

პოლინოზი (ლათინური სიტყვაა, ნიშნავს მცენარის მტვერს) გავრცელებული ალერგიული დაავადებაა, რომელსაც იწვევს მცენარეების, განსაკუთრებით მარცვლოვანი ბალახებისა და ყვავილის მტვერი. იგი გამოვლინდება დაუყოვნებელი ტიპის ალერგიული რეაქციის სახით იმ პირებში, რომლებსაც აქვთ აწეული მგრძნობელობა მცენარეებისა და ბალახების მტვრის მიმართ. მაგალითად, ოთახის მტვერის, ეპიდურმალური, ინფექციური, სოკოვანი ალერგიების მიმართ. ამ დროს ალერგიული რეაქციები გამოვლინდება მთელი წლის განმავლობაში.

გამოკვლევებით დადგენილია, რომ ქალაქის მოსახლეობა უფრო ავადდება პოლინოზით, ვიდრე სოფლის მცხოვრებნი, მიუხედავად იმისა, რომ მცენარეების მტვერი

ნაკლებია ქალაქის ჰაერში. ეს იმიტომ, რომ ქალაქის მცხოვრებნი სუნთქავენ ჰაერს, რომელიც გაბინძურებულია მანქანების გამოაბოლქვით, სხვადასხვა ქიმიური ნარჩენებით და ყოველივე ეს იწვევს ლორწოვანი გარსის ქრონიკულ ანთებას, მთელი დაავადების 58 პროცენტი გონებრივ მომუშავეებზე, ხოლო 2 პროცენტი სოფლის მეურნეობის მუშაკებზე მოდის.

ავადმყოფი უჩივის ქუთუთების ქავილს და სიწითლეს, თვალებში ქვიშის შეგრძნებას, სინათლის შიშს, ცრემლდენას, პროუზუხ სურდოს. ყოველივე ამას ემატება მტანჯავი განმეორებადი ცხვირის ცემინება, ძლიერი თავის ტკივილი, ცხელება, ასთმური შეტევები, შეიძლება შეინიშნებოდეს დისპეფსიური მოვლენები: მუცლისმკაფარი ტკივილები მუცლის არეში, ღებინება, კანის ქავილი, ჰინჯრის ციება.

პოლინოზი გვხვდება ყველა ასაკში, ჩველებშიც კი. ყველაზე ხშირად დაავადება იწყება სქესობრივი მომწიფების პერიოდის შემდეგ.

პოლინოზით დაავადებული უნდა ერიდოს კონტაქტს იმ მცენარეების მტვერთან, რომლითაც მათი ორგანიზმი არის სენობილიზირებული, დაავადების გამომწვევი მცენარის ყვავილობის დროს უნდა გაეიდეს სხვა რაიონში, სადაც ეს მცენარე არ ყვავილობს. თუ ამის საშუალება არ არის, ავადმყოფი უნდა ერიდოს ქუჩაში სიარულს, უმეტესად დილის საათებში, როდესაც მცენარეული მტვერი ჰაერში დიდი რაოდენობითაა. მზიან ამინდში უნდა იაროს მზის სათვალევით, რომ არ გაღიზიანდეს თვალის ლორწოვანი გარსი, ცხვირზე კი აიფაროს სველი ცხვირსახოცი.

სასურველია, მშრალ ამინდში

ავადმყოფმა დღის უმეტესი დრო გაატაროს სახლში. საძინებელი ოთახი უნდა განიავდეს, ავადმყოფი მწვევების პერიოდში ეკრძალება თაფლის მიღება, რადგან ის შეიცავს 10 პროცენტ მცენარის მტვერს.

პოლინოზის დადგენა ზოგჯერ დიდი ხნის განმავლობაში არ ხერხდება, რადგან ავადმყოფთა უმრავლესობა აღნიშნულ სიმპტომებს მიიჩნევს უბრალო სურდოდ, მწვავე რესპირატორულ დაავადებად, ჰაიმორიტად, ინფექციურ რინიტად, რის გამოც დაავადება 2-4 წელიწადში შეიძლება გადაიზარდოს ბრონქიალურ ასთმად, ამიტომ აღნიშნული მოვლენების შემჩნევისთანავე მიმართეთ ექიმს. დაავადების დიაგნოსტიკა და მკურნალობა შეიძლება მხოლოდ ალერგოლოგური მეთოდებით.

გამომწვევით „ლეჩუმში“

დაიწყო და 15 ნოემბრამდე გასტანს ხელმოწერა პერიოდულ გამოცემებზე 1990 წლისათვის.

ძვირფასო მკითხველო! ხელმოწერა წარმოებს ჩვენს რაიონულ გაზეთ „ლეჩუმში“. ხელმოწერები მიიღება ყოველგვარი შეზღუდვის გარეშე „სოიუზპეჩატის“ რაიონულ განყოფილებასა და კავშირგაბმულობის რაიონული კვანძის სოფლის საფოსტო განყოფილებებში ყოველდღე დილის 9 საათიდან საღამოს 20 საათამდე.

გაზეთი ერთი წლით ღირს 7 მანეთი და 80 კაპიკი, 6 თვით—3 მანეთი და 90 კაპიკი, 3 თვით—ერთი მანეთი და 95 კაპიკი.

ინტერესთა

კლუბი

ასე მოვჩუყოთ ოთახს მცენარეებით

თუ მცენარე დიდი ზომის ქოთანშია ჩარგული და კარგადაა განვითარებული, შეიძლება მოირწყას დაახლოებით კვირაში ერთხელ. პატარა ქოთანში მოთავსებული ახალგაზრდა ეგზემპლარი ყოველდღე უნდა მორწყაოთ. რაც უფრო თბილა ოთახში, მით

უფრო ხშირად უნდა მოირწყას ყვავილი. გაზაფხულსა და ზაფხულში მცენარეს უფრო ინტენსიურად რწყავენ, ზამთარში კი ბევრი სახეობა შეიძლება გავა-

ცადოთ წყალი არ მოხვდეს ფოთლებსა და ღეროებზე. ნიადაგი უნდა კარგად გაიჟღინთოს. სახარგებლოა ყვავილის მორწყვა წვიმის ან თოვლის წყლით. შე-

ჩეროთ დაბალ ტემპერატურაზე და იშვიათად მოვრწყაოთ. ეს ეხება ასწლოვანებს—ლოცს, აგავებს და სხვა. სარწყავი წყალი ერთ დღე-ღამის უნდა გაეჩეროს ოთახში. ცივი წყლით მორწყვა ხელს უწყობს ფესვების გადაცივებას და დაღუპვას. მორწყვის დროს

იძლევა გამოიყენოთ მაცივრის საყინულის გადნობის შემდეგ მიღებული წყალი. არ დაგავიწყდეთ „მშრალი მორწყვაც“ მიწის რეგულარული გაფხვიერება.

რედაქტორი

ნ. ნაბახიძე

გეოლოგია

ჩვენს საზოგადოებას

გილოცავთ დაბადების დღეს. იყავ დღეგრძელი, ბედნიერი, ლამაზი და სულ ასე ხალისიანი.

აკაკი გერონტი, რომან, გიგო, ნანი, ავთო კალანდაძეები.

საპარიონ მიხეილის ქა კოპალიანს

გილოცავთ 80 წლის შესრულებას. თქვენი დღეგრძელობა იყოს შეილებისა და შეილიშვილების, თქვენი დიდი მონაგარის სასიკეთოდ.

უახლოესი მეზობლები: დესნა სილაგაძე, გრიშა ზაურ სალინაძეები, ანზორ ტვილიძანი, კარლო დემურ ჩაკვეტაძეები, სოზარ, თამაზ ბენდელიანები, მურთაზ ჩარკვიანი, ბორის, დათო ხეცურიანები, შოთა კოპალიანი, მიშა ფოჩხიძე, ნუშარ ხვადაგანი, გივი ბენდელიანი.

მარი, გურამ გარიკიას

გილოცავთ შეილიშვილის შეძენას, გაზრდილიყოს ერის სასახელო ქალი.

ცაგერის ღვინის ქარხნის თანამშრომლები.

დედა ლუბა, მეუღლე გულო, შეილები მამუკა, ლეილა, დები ნორა, ვენერა, რძალი ზაირა ცერცვაძე, სიძეები ნოდარ გვიშიანი, კარლო ფრუიძე, ნუკრი ვერძელი, შეილიშვილები დათო, ირაკლი, ბიძები ბიქტორ, ვალიკო ბურჯალიანები, ვალიკო ყურაშვილი, ბიძაშვილები, მამი-დაშვილები, დისშვილები, ცოლის-და, ცოლისძიშვილები იუწყებიან, რომ გარდაიცვალა

დავით ალექსანდრეს ძე ბურჯალიანი

დაკრძალვა 10 ნოემბერს, შაბათს, სოფ. ორბელში.

რაიკოპერატორის სავაჭრო ქსელის მუშაკები თანაუგრძნობენ თინა ჭიჭიას ძმის

ელგუჯა ჭიჭიას გარდაცვალების გამო.

ოყუერშის საშუალო სკოლის პედაგოგიური კოლექტივი თანაუგრძნობს რომან მუშუღიანს დედის

მარო გორდუღაძის გარდაცვალების გამო.

გაზეთ „ლეჩუმის“ რედაქციისა და რაიონული სტამბის მუშაკები თანაუგრძნობენ ბაბუცა ბაქრაძეს

ლუბა ჩარკვიანის გარდაცვალების გამო.

ისუენდრის არასრული საშუალო სკოლის პედაგოგიური კოლექტივი თანაუგრძნობს კობა ჩარკვიანს ბებუის

ლუბა ჩარკვიანის გარდაცვალების გამო.

სემინარ, ჯონი, თინა ბურჯალიანები იუწყებიან, რომ გარდაიცვალა

დავით ალექსანდრეს ძე ბურჯალიანი

და სამძიმარს უცხადებენ განსვენებულის ოჯახს.

ბარდნალის საშუალო სკოლის პედაგოგიური კოლექტივი და ტექნიკური პერსონალი თანაუგრძნობენ გერონტი თუთისანს ძმის

გრიშა თუთისანის გარდაცვალების გამო.

მეზობლები: დესნა სილაგაძე, გრიშა, ზაურ სალინაძეები, ანზორ ტვილიძანი, კარლო, დემურ ჩაკვეტაძეები, მურთაზ ჩარკვიანი, ბორის, დათო ხეცურიანები, შოთა ვალიკოს ძე კოპალიანი, სეგარიონ, შოთა კოპალიანები, მიშა ფოჩხიძე, ნუშარ ხვადაგანი, გივი ბენდელიანი თანაუგრძნობენ გოგუცა, თამაზ, სოზარ ბენდელიანებს სიძისა და ბიძის

დავით ბურჯალიანის გარდაცვალების გამო.

ცაგერის მხარეთმცოდნეობის და დიდების მუზეუმების თანამშრომლები თანაუგრძნობენ ნუცა მამარდაშვილს დის

დაშა მამარდაშვილის გარდაცვალების გამო.

ანზორ ახვლედიანი ოჯახით თანაუგრძნობს ნორა და ნოდარ გვიშიანებს ძმისა და ცოლისძმის

დავით ბურჯალიანის გარდაცვალების გამო.

სოზარ, თამაზ ბენდელიანები, დემურ ჩაკვეტაძე ოჯახებით იუწყებიან, რომ გარდაიცვალა დავით ალექსანდრეს ძე ბურჯალიანი.